

/ՆԱԽԱՐԱՐՈՒԹՅԱՆ ԱՆՎԱՆՈՒՄԸ/

ՀՀ ՎԻՃԱԿԱԳՐԱԿԱՆ ԿՈՄԻՏԵ

•Գործուղված անձինք

ՀՀ վիճակագրական կոմիտեի (Արմստատ) նախագահ՝ Ս. Մնացականյան

•Երկիր/քաղաք/ ժամկետ

Շվեյցարիա/Ժնև/14.02.-17.02.2023թ.

•Նպատակը

ՄԱԿ-ի Եվրոպայի տնտեսական հանձնաժողովի կողմից կազմակերպված Եվրոպական վիճակագիրների կոնֆերանսի Բյուրոյի նիստ

▪ Քննարկված թեմաները

Եվրոպական վիճակագիրների կոնֆերանսի (ԵՎԿ) Բյուրոյի (Ս. Մնացականյանը հանդիսանում է Բյուրոյի փոխնախագահ) հանդիպմանը ներկայացվեցին և քննարկվեցին հետևյալ թեմաները.

I. Բացումը Պաղատի Դալթոնի կողմից (Բյուրոյի նախագահ)

II. Ընտրված վիճակագրական բնագավառների խորացված վերանայումներ

ա. Դժվար հասանելի խմբեր վարչական աղբյուրներում - քննարկման և առաջարկությունների համար

բ. Բարեկեցության չափում - քննարկման և առաջարկությունների համար

գ. Սոցիալական համախմբվածություն - քննարկման և առաջարկությունների համար

դ. 2023-2024 թթ. և ԵՎԿ-ի 2023թ լիազումար նստաշրջանում խորացված վերանայման թեմաների ընտրություն - քննարկման համար

III. ՄԱԿ-ի Եվրոպայի տնտեսական հանձնաժողովի (ՄԱԿ ԵՏՀ) վիճակագրական աշխատանքներ և Եվրոպական վիճակագիրների կոնֆերանսի մասնագետների թիմեր

ա. Զբաղվածության որակ - քննարկման համար

բ. Միգրացիայի վիճակագրություն - քննարկման համար

գ. Շրջակա միջավայրի վիճակագրության և ցուցանիշների համատեղ աշխատանքային խումբ - քննարկման համար

դ. Պաշտոնական վիճակագրության մոդեռնիզացում - քննարկման համար

ե. Մասնավոր տվյալների հասանելիություն (առաջարկ) - քննարկման համար

IV. Ռազմավարական զարգացումները Պաշտոնական վիճակագրությունում - 2022թ. հոկտեմբերին կայացած քննարկման շարունակություն - քննարկման և առաջարկությունների համար

V. 2023թ. ԵՎԿ-ի լիազումար նստաշրջանի նախապատրաստում

- ա. Տվյալների էթիկայի վերաբերյալ սեմինար - քննարկման և առաջարկությունների համար
- բ. ԵՎԿ-ի երկրորդ սեմինարի նիստ – քննարկման համար
- գ. 2023թ. ԵՎԿ-ի լիազույցված նստաշրջանի նախնական օրակարգ և ժամանակացույց – քննարկման համար
- VI. ԵՎԿ-ի ուղեցույցներ և առաջարկություններ 2023 թ. հաստատման համար
- ա. Պաշտոնական վիճակագրության հիմնական արժեքները - քննարկման համար
- բ. Տվյալների կառավարում – քննարկման համար
- գ. Շրջանաձև տնտեսության չափում – քննարկման համար
- դ. Վտանգավոր իրադարձություններ և աղետներ – քննարկման համար
- VII. ՄԱԿ ԵՏՀ-ի վիճակագրական ծրագրերի աշխատանքային փաստաթղթեր – քննարկման համար
- VIII. Հաջորդ հանդիպումների ժամկետներն ու վայրերը – քննարկման համար
- IX. Այլ հարցեր:

Հայաստանը հանդես եկավ ելույթներով «Դժվար հասանելի խմբեր վարչական աղբյուրներում», «Բարեկեցության չափում», «Զբաղվածության որակ», «Միգրացիայի վիճակագրություն թեմաներով», «Պաշտոնական վիճակագրության մոդերնիզացում» թեմաներով:

Ս. Մնացականյանը «Պաշտոնական վիճակագրության մոդերնիզացում» թեմայի ներքո տեղեկացրեց, որ 2022 թ. հոկտեմբերի 18-20-ը փորձագետների միջազգային թիմը ՄԱԿ ԵՏՀ-ից, Իտալիայից և Հունգարիայից իրականացրել է Հայաստանում Վիճակագրական կազմակերպությունների ընդհանուր գործունեության մոդելի (GAMSO) իրականացման ոլորտային գնահատում: Գնահատման վերաբերյալ հաշվետվությունը գետեղված է ՄԱԿ ԵՏՀ-ի կայքում՝ GAMSO-ի Ռեսուրսների շտեմարանում (<https://unece.org/sites/default/files/2022-11/GAMSO%20Sector%20Review%20Armenia%20Report.pdf>):

Մոլդովայի վիճակագրության ղեկավարի տեղակալը միացել էր գնահատման թիմին որպես դիտորդ՝ Հայաստանի փորձն ուսումնասիրելու նպատակով:

Դա Հայաստանում պաշտոնական վիճակագրության մոդերնիզացմանն ուղղված ավելի լայն աշխատանքի մի մասն էր՝ համաձայն Պաշտոնական վիճակագրության մոդերնիզացման ՄԱԿ ԵՏՀ-ի բարձր մակարդակի խմբի կողմից մշակված չափանիշներին և լավագույն փորձին: Արմատատը խնդրել էր ՄԱԿ ԵՏՀ-ի թիմին գնահատել կատարված աշխատանքը և օժանդակել Արմատատին բացահայտելու GAMSO-ի իրականացման հնարավոր հաջորդ քայլերը և առաջարկություններ ներկայացնել նշյալ աշխատանքին աջակցելու համար՝ հիմնվելով միջազգային լավագույն փորձի վրա:

Մինչ փորձագիտական առաքելությունն Արմատատը փաստաթուղթ էր պատրաստել և քարտեզագրել իր գործունեությունը GAMSO-ի համաձայն: Գնահատման թիմը ներկայացրել է առաջարկություններ և մշակել ճանապարհային քարտեզ՝ առաջ ընթանալու համար (<https://armstat.am/file/doc/99533528.pdf>):

▪ Արդյունքները

Մասնակցությունը Բյուրոյի նիստին հնարավորություն ընձեռեց Բյուրոյի անդամի պարտականությունների կատարմանը, ինչպես նաև քննարկելու և ծանոթանալու վիճակագրության տարբեր ոլորտների մշակման, վարման և տարածման արդի փորձին, վերջին զարգացումներին, ուղեցույցներին և առաջարկություններին, պաշտոնական վիճակագրության ռազմավարական զարգացումներին, ներկայացնելու Հայաստանի փորձը, ինչպես նաև ամրապնդելու վիճակագրական ներուժն ու մոդեռնիզացնելու պաշտոնական վիճակագրության համակարգը:

▪ Նշումներ

Այցելության ծախսերը ֆինանսավորվել են ՄԱԿ-ի Եվրոպայի տնտեսական հանձնաժողովի կողմից:

ՀՀ վիճակագրական կոմիտեի նախագահ



Ս. Մնացականյան